

禪文手鏡



禪文手鏡



禪文手鏡

靈龜山少林窟比丘豆璇集說

臨濟三句圖說

臨濟三句者一代禪教詮旨無不該攝故名曰蘊揔  
三句是故法海惟精禪師曰佛祖受用不出此三句  
宴惺師翁曰臨濟三句非特臨濟宗風上自諸佛下  
至衆生皆分上事若離此說法皆是妄說是知三世  
諸佛歷代祖師乃至天下善知識所留言句必不離  
此三句也是故凡欲尋究禪門語句者必須先求人  
天眼目五宗綱要禪門綱要為先究此三句義相照  
然無疑然後當於拈頌傳燈四集等語句以此三句



一一拖照言言句句了然照著於心目如物得秤衡  
錙銖莫逃矣古人不然不知此三句是禪文正梓但  
將已見隨文斟酌故牽多昧却佛祖言頭立脚處而  
往往有隔靴搔痒之失也噫古人錯答一字尚墮野  
狐今日老漢既以旨杖填填安得句句無謬自惟不  
入地獄何由能報佛恩自以為法忘軀豈避彌天罪  
逆橫按寶釧敢為圖形三句捩括禪文語句願與同  
胞一目頻見自己與諸佛祖安身立命處而直入大  
圓覺海續佛慧命於五濁界中矣



○ 向上本分真如

臨濟曰僧問如何是真佛真法真道乞師開示師云  
佛者心清淨是懃法者心光明是用大道者處處無碍  
淨機光用是有三是奇趣上妙三即一皆空而無實者此真  
寂山僧今日見處與佛祖不別

● 解曰本分真如有隨緣不變二義此妙有三要即  
隨緣也菩提也照也此真空一寂即不變也涅槃  
也寂也此真空妙有二義是人人本末面目亦是  
佛祖安身立命處故云佛祖不別

○ 向下新熏三禪 此是蘊揔三句



若第一句薦得堪與佛祖為師祖師第二句薦得堪

與人天為師如來第三句薦得自救不了機理

●解曰本分宗師將此真空妙有之達摩西來無文

印字印空印水印泥以驗人時若上士聞則如印

印空薦得第一句向下三要妙及向上一竅領了

無朕迹見性成佛故為佛祖師中士聞則如印印

水而有两種不同為仰法眼宗人薦得三玄有及

本分一句空曹洞宗人薦得權實向上而俱有專

貴頭角則但見真空未得成佛故但為人天師下

士聞則如印印泥痕縫全彰但悟有無三句而真



空裏頭人未見故自救不了况為人師

○義理禪三句頌 如次三禪故云玄要在句

第一句 三要印開未點窄 未容擬議主賓分

風法師云前句先照<sub>字下三</sub>後用<sub>字上四</sub>後句先用<sub>字下三</sub>

字後照<sub>字上四</sub>二句合為雙照中故照用同時雙照

則照用不同時此約四照用釋若約三要則前句

大機<sub>字下三</sub>圓應<sub>字上四</sub>後句大用<sub>字下三</sub>直截<sub>字上四</sub>二

句合為機用齊施雙拂機用為向上一竅三要即

妙有向上即真空此是上士會得祖師禪

第二句 妙喜豈容無著問 徧和爭負截流機



風云前句現乎實後句示其權本分一句為實新  
熏三玄為權合為中句也漚和此云方便此則權  
實三句為妙有宗門向上為真空此是中士會得  
如來禪

第三句 看取棚頭弄傀儡 抽帝全借裡頭人

風云逢羅漢說羅漢逢餓鬼說餓鬼逢佛說佛  
前句有無三句如傀儡之是假無實也後句出無  
實所以示師所示本分三要滯他言迹以但新熏  
隔別三句薦得而真空一較則全昧故未名格外  
禪羅漢灰身滅智故無白餓鬼飢渴狂走故有句



佛證中道故中句而凡聖各異故為隔別三句中  
此是下士但會義理禪是故三禪皆在三句中

師云大凡舉唱宗乘一句中須具三玄門一玄中須  
具三要有權有實有照有用汝等作麼生會

風云句句之句句詮差別玄幽玄之玄玄不可  
辨要省要之要要不在多玄要在句權實要在玄照  
用在要各有攸當不應奪因

●解曰一句中者上三句中一句也意云第三句義  
理禪三句每句各具三玄第二句如來禪三玄每  
玄各具三要則三句已具玄要三玄中亦具句要



三要中亦具句玄也然則三句雖云義理禪已具  
玄要故更無餘事三玄雖云如來禪亦具三要故  
更無餘事三要雖云祖師禪尚在於句玄中故別  
無特地直下無本末無深淺無背面無巧拙如同  
神變之當不得畢竟喫什麼作祖師禪喫什麼作  
如來禪喫什麼作義理禪乎須知三句三玄及三  
要畢竟真然恁一機偉矣哉正是一切衆生熱惱  
海中清涼法幢也此幢之立如初利天上塗毒鼓  
搥之則聞者皆死也此是臨濟宗說法之標準則  
何以句玄要深淺本末擬議計較也哉故六祖大



鑑禪師示衆云吾有一物無頭無尾名不得狀不  
得上柱天鎮下柱地妙明如日黑似漆常在動用  
中動用中收不得汝等喫作什麼臨濟將此真空  
妙有之諸佛法印印塵印水印泥而普逗上中下  
三根同入如來大圓覺海何啻復名白拈賊可謂  
踏殺天下人雖無深淺本末而以句玄要分別差  
排者隨機利鈍事不獲已也清涼所謂云云自他  
於我何預者正是佛祖之子期也哉各有攸當不  
應莽鹵者一依圖中三句下所配而審定名相不  
得錯雜亂用也照用機用殺活心境等在第一句



三要中權實迷悟途中家裡等在第二句三玄中有無事理悟修及玄要等在第三句三句中不應奔國亂用矣若其互用者如偏正古今證化把放等此是活眼手段不存執則而把土成金之意也學者當究其宗師言頭立脚處則庶可辨明而此實不易惟冀留神琢磨盡力尋繹矣

○三句圖示

本領從深至淺者宗師如次上中下

三土普接也今圖述本者欲順學者從淺至深故



第一句

佛祖師

○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓

○三禪得髓

向上二句

第二句

格外禪

○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓

○三禪得髓

○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓

第三句

佛祖師  
○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓

○三禪得髓

○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓  
○三禪得髓



護身證

照用同時

四時不極

隨緣

菩提

四

不寢

涅槃

看證分

五照用同時

三時不極

中

中

中

二相分

五照用同時

三時不極

中

中

中

一見分

五照用同時

三時不極

中

中

中

八識分

五照用同時

三時不極

中

中

中

向上

別置一

上上上上上

義諦

期七

中句

三時不極

中

中

中

寶句

三時不極

中

中

中

權句

三時不極

中

中

中

權實句

三時不極

中

中

中

修悟一時

中

中

中

頓悟

理位

斷見

損滅謬

漸悟

事功

實境

增其謬



三聖  
總得  
寒山  
呵笑

思慮

三寶

真佛

真法

真道

三身  
二聖  
五法

清身  
戒學  
戒香

化身  
慧淨  
慧香

報身  
定慧  
定香

真聖

妙  
有

三聖

寒山

拾得

呵笑

三開  
參印

一鉄

三  
開

青山  
白雲  
中  
聖印

向上

毘盧

常寂  
張澄  
張收  
解脫  
青蓮  
毘盧

染緣起

常照  
護明  
護致  
知覺  
妙有  
淨緣起

三聖  
大機四應  
大用直看  
落地



真法  
三空  
向上

三寶  
四重  
成




五戒  
戒律

戒律

四入  
不奪

三寶  
不依也



具開三  
具開三

直者心

三人  
與奪

二寶  
二編計




三寶  
三寶

不立文字

奪境  
奪入

四寶  
二寶  
二編計



五沙  
五沙  
但新無來

建立文字  
建立文字

四料  
奪人不奪境

四寶  
二寶  
二編計

未入格外  
未入格外

建立文字  
建立文字



二端	聚作主文等	水是水主文	二禪文	是山
實	實	祖也	及	空
等	及	邊	更	部
二	禪	文	藏	音
下	空	教	外	禪
與	天	藏	教	
事	及	非	秀	
二	禪	文	經	新
配	代	禪	教	

此以三句為三禪即一愚意見禪門綱要

○義理禪格外禪辨

古來通談曰約法名義理禪格外禪約人名如來禪  
 祖師禪此則義理禪即如來禪格外禪即祖師禪也  
 既以分座如來禪亦名義理禪何云三處皆是格外  
 耶且義理禪得格外之濫名如來禪還得義理之累  
 名理自不然 龍潭曰一切禪文皆是格外故都序



節要亦是格外然則義理禪無配處若指金剛楞伽則彼是教文何名禪也 惠庵曰三玄中初玄如來禪後二玄祖師禪然則三玄已盡二禪本分及向上與第一句三要及向上更是何法耶 蓮老雖依一愚亦云義理之言寬如來之言局以如來禪尊貴解近於靈知故亦名義理禪義理禪完有義理故不得名如來禪寬局之說亦是穿鑿且如來禪正是格外安得義理之累名耶語皆未敢聞命●愚使管見蓋義理禪以第三句但新熏悟修之說完有義路理路之標格則以是凡夫必須悟修成佛義理當然故若義



理禪以下根者相衆生沒溺邪見強剛難化故佛祖  
老婆心切無方便中示設方便出來化門示八相成  
道廣演悟修成佛之法而未顯無悟修之本有佛性  
故衆生但認悟修之傀儡未見本有之裡頭性也  
格外禪以如來禪即心是佛祖師禪山是山水是水  
之說了沒巴鼻迥出義理之格故名格義外禪是為  
教外別傳一味禪以衆生知見猛利可以直截承當  
故直示最上乘也此格外中又有二種一如來禪以  
中根衆生即於三玄權門透得本分及向上也此亦  
祖門中事以其所悟盡大地一鈺金之說完同如來



統萬法明一心之教迹故貶之曰如來禪以有尊貴  
顯用故也即分座豎空消息而為法眼為仰曹洞三  
宗旨也 二祖師禪以上根眾生即於三要門透得  
向上真空妙有也正是祖門中行色故直名祖師禪  
即拈華妙消息而為雲門臨濟二宗旨也 第三  
示跌教消息想必六祖下未傳故但名禪師未名祖  
師而亦未敢決定

末後句最初句辨

末後句者出來化門示說三禪各三句而意不在此  
限言言句句直得無限單單要明向上一竅則雖



說傳授三禪意在於最後無傳本分一竅故以向上  
直如名為末後句如世尊初生時云天上天下唯我  
獨尊者是出來化門示人人本分真我故立末後句  
也最初句者你他拖泥之化跡直示人人本具之真  
如則初不涉化門最初直示本分故以本分真如亦  
名最初句如雲門觀破世尊云我當時若見一棒打  
殺云者言雖你他世尊要使衆生不滯化跡徹見本  
分是為暢佛本懷故實為世尊知音也又金剛經世  
尊敷座而坐須菩提觀破云希有世尊亦此意也  
故龜谷先師曰末後句至於圓極則與最初句何以



異哉

新舊本分辨

義理禪但明悟修成佛則但新無本未明真如自性  
故為佛祖孽子也如來禪中為法二宗以三玄權為  
新以一句實為本也曹洞宗全超空劫不落今時直  
示向上真空故非新非本也以三宗旨悟本分自性  
故為嫡子也祖師禪二宗以向下三要為新以向上  
真如為本也然則如來禪本分及向上但是不變真  
如故唯是有真空暗一著也祖師禪向上本分真如具  
是不變隨緣二義故圓具真空妙有是為雙暗進



明也以此二禪深淺雖殊皆悟本分真如教俱為佛  
祖嫡子義理禪未見本分故為墜子也以義理禪為  
如來禪之言不攻自破也

### 殺活辨

三處傳中第一分座頓殺人刀即三句中第二句本  
分及向上則但傳不變直如確殺無活故青原得之  
為六祖傍傳也第二處拈華有妙活人鈎即第一句機  
殺用活三要及向上真空殺妙有殺明則具足殺  
活要三雙暗雙明上故南無得之為六祖正傳也以殺  
外無活故百丈得大機更無餘事是為大機殺圓應活



也以活外無殺故直藥得大用更無餘事是為大用  
活直截殺也至此第一句則名揆用也照用也殺活  
也是故此活人鈎中具足殺活以深必該淺故第二  
句殺人刀但名殺而未得名為機也照也活也詳之

圓相說

此義理禪有無三句頑有故常見頑無故斷見  
以但新熏故非暗非明

比如來禪權實三句以本分一句破三玄故  
實暗非明

○此宗門向上但是真如教體無物一圓相故



唯暗非明以迫超今本故云無物

此祖師禪三要中初大機圓應外無用故  
豎窮三際

此第二大用全彰以用外無機故橫徧十方

此第三機用齊施以機用一時圓具故縱橫無  
碍即十字街頭賤賣風流上三要是雜貨  
鋪故殺機活用難及明



此向上真如圓相即不變也真空也寂也涅槃  
也實相般若也見性也裡頭三點即隨緣也妙  
有也照也菩提也觀照般若也成佛也殺活雙



暗○殺活變明也

三性說金剛大士頌

義理禪三句有無別執元是前六了別識故為偏計

妄情

如來禪本分一句及向上猶有真貴解碍則亦是識

情故又為偏計妄情

祖師禪三要是第八識見分即無明境相分即三業相轉相現相三

分則真妄和合雖不如前六了別猶有微細妄念

流注故為依他起性而若依他向上妙有三要延

此向下三要則為淨分也若依他前六識心境影



在第八則為染分也

向上一竅本分真如正是一法界大總相法門體故  
為圓成妙實性頸也以此真如雖向下三要故無物  
三句一句五重不同

一第三句有無中為三句雖有本分一句隱而不現  
故學者冥然不知如觀<sub>文</sub>者但見傀儡未見裡頭人  
故但有三句也 二第二句三玄為三句本分為一  
句也 三權實中為三句宗門向上為一句也 四  
第一句三要為三句向上一竅為一句也 五向上  
真空為一句妙有三要為三句也 五重中初一但



三句中三先三句後一句後一先一句後三句也

一鏃破三開有五重

一以返照之智為一鏃以所觀三諦為三開若當真實返照之時不作三一解故如云說時有三名字在返照之時不作三一解又云於諦常自二於解常自一故二以三句中一句為一鏃則句句無遺次第舉一全收絕諸對待故三為法二宗以本分一鏃破三玄開則前有無三句亦一時破四曹洞宗以向上一鏃破權實三開五祖師禪以向上一竅破三要開初二通於二禪中二如來禪後一祖師禪



義理禪未明本分故無一鑢但有三句與三玄正同  
未與本分相應故但名句未名玄也

### 配金剛四句偈

凡所有相句三玄中用中玄又義理禪有句也皆是  
虛妄句體中玄及無句也若見諸相非相句玄中玄  
及中句也即見如來句本分一句也此則經文但明  
第二句如來禪也 又初句大用二句大機三句齊  
施四句向上一竅也此明第一句祖師禪三要也故  
百丈禪師云教語皆是三句相連初中後善若即說  
一句令人入地獄三句一時說渠自入地獄不干教



主事如金剛般若如是也但三四二句合為後善一句  
雖遮句照句不同合為一中句故也又六祖大師示  
說法規曰吾今教汝說法不失本宗說一切法莫離  
自性忽有人問汝法出語盡進皆取對法來去相曰  
<sup>上三</sup>究竟二法盡除更無去處句亦明此四句大  
意也又初句先用後照二句先照後用三句照用  
同時四句照用不同時故莊椿錄云般若算約體則  
離名絕相句算約用則繁興大用初進約體用則泥  
牛吼月句進拂體用則夏暑冬寒句黃龍新禪師云  
一清風拂明月二明月拂清風三清風明月四非清



風非明月此後二意是三要及四照用故經文亦明  
祖師禪此亦現意也若法眼所謂若見諸相非相即  
不見如來則反著經文明祖師禪意雖同而見文不  
同也無著菩薩以此偈科為欲得色身住之意到此  
益明矣此則以即見如來為見性以欲得色身為成  
佛也然則此四句偈圓具三禪故六百部般若乃至  
一代禪教大意無不包舍故云七寶校功四句倍勝  
達摩云金剛楞伽是我心要可不信與可不信與  
配三身有三重

一報化身為三要法身為向上一竅 二三身為三



要法身機也以性本清淨萬法從庄故化身用也一  
念思量名為變化故報身中也當善惡境不染善惡  
是為成化身歸法身故向上法身為一寂也上二義  
見金剛經希有分以此為實下涵虛說誼及六祖壇  
經三三身合為普賢大用向上法身為文殊大機  
三身一身合為中也非三非一頓亦三亦一寂為向  
上毘盧也見一合相下冷文說誼

配五分法身

見壇

一戒香法身機也以自心中本無諸惡故二慧香法  
身用也以不離離外修諸行故三定香法身中也



以觀善惡境自心不亂故定慧接次者以順三要末  
第故四解脫香法身向上真空也以自性解脫夢緣  
不思善惡故五解脫知見香法身真空中本具妙用  
也以廣學多聞自利利他故此是六祖大師傳香臘  
悔也初三身即達摩所謂直指人心也四是見性也  
五是成佛也是以六祖底外無別達摩底是為如來  
注瓶也此五香法身是人人自性中本具底面目而  
又遇此祖師親切直示之外緣則因緣合故必有所  
發各自密密迴光返照如教頭燃熏發自性不亦宜  
乎時乎時乎不可失也



配四弘願

一度衆生願即不思惡也以自心中貪嗔癡等一切不善心是自心衆生是三惡途之因故願度自心中三毒心也二斷煩惱願即不思善也以心著邪見故雖不造惡業又著有漏善教中五戒十善四諦十二因緣六度萬行乃至禪中三種禪三三句等一切善法隨聞隨見一一貪著馳求不歇雖深淺不同皆是新熏傳授邊拖泥帶水事故自本分清淨自性上觀之則無非虛妄思想之煩惱妄想故願斷心中馳求不歇之煩惱妄想心也三學法門願即願見性也既



不思向外馳求之善惡故還向自性中直須自起無  
念智慧觀照自性念念不昧則畢竟親見自性常  
行無念無相正法是真真學也四成佛道願即願成  
佛也此是真空法門中本具妙用是為真佛真法真  
道而舉上下該中故但云佛道也此四弘願即本分衲  
僧日用四威儀中不離自性之無念離相行願故六  
祖臨終偈云元元不修善影騰騰不造惡影寂寂斷  
見聞影蕩蕩心無著影此是達摩所傳無文印也

配坐禪禪定四字

經見壇

坐者真空也以雖見外境而不起念故自性不動名



為坐也禪者妙有也以無念智能見不動自性故名  
為禪也此則真空當體不動為坐以智觀照為禪也  
禪定者禪是妙有以即相離相故名禪也定是真空  
以既離外相則內心不動故名定也然則坐禪者由  
真空而得妙有故坐外無別禪也禪定者由妙有而  
真空現故禪外無別定也此定有無二之行即是初  
僧不離自性之無念三昧也

達摩不立文字直指人心見性成佛說

不立文字者第二句本分及向上也以其三玄及第  
三句建立文字著相馳求故不立文字斥其向外



走之義理亦見也直指人心者第一句向下三要也  
以此三要見第八藏識三分則是人人本具底故名  
曰人心既真安和合則可以為凡可以為聖故祖師  
老婆心切初來中華見諸眾生不來自心向外狂走  
虛尚義理文字知解故直指眾生心中本淨妄本  
空之義開除妄念指示真心故云直指人心也見性  
者向上真空也既悟妄空心淨則能所心分境相當  
下俱泯向上真空當體獨露面前故云見性也是為  
涅槃故云外息諸緣境內心無喘心如牆壁規可  
以入道佛成六祖云心有能所即非般若心無能所是



名般若成佛者向上妙有也雖見自性若不修證更  
無一人發真歸源故向此直空沒通消息處轉身通  
氣數萬行華圓成三身圓滿佛故云成佛也是為空掉

### 達摩三處傳心

一祖問諸緣已斷否可曰已斷祖曰莫落斷滅否可  
曰不落斷滅以明明不昧了了常知故言之不可及  
說話云諸緣已斷時無一法可當情迥超今古了了常知

知有本分事

宗門  
向上

與體真一般也悟修斯以故得如

未禪

二可問諸佛法印可得聞乎祖曰諸佛法印

非從人得可曰我心未寧乞師安心祖曰將心來與



汝安可曰覓心了不可得祖曰與汝安心竟可禮拜  
祖曰汝見什麼道理禮拜可曰明明不昧了了常知  
祖曰此是諸佛所傳心體汝善護持說話云當下安  
心悟得諸佛所傳心體前解轉明曰明明不昧了了  
常知遂乃會得祖師禪得他印許三祖一日命門人  
曰時將至矣盍各言所得乎諸人各呈所得最後慧  
可出禮三拜步依位而立頓祖曰汝得吾髓乃傳衣  
付法說話云此宗門異額此則入室也

禪室三拜說

南無十方常住佛歸依大緣也南無十方常住法歸



依大用也南無十方常住僧歸依齊施也此乃歸  
依自性三寶故為向上妙有三要即迦葉三禮佛是  
慧可出禮三拜之榜樣也又此三寶即自性上妙有  
故三無別體即是真空自性且朝夕禮敬是佛子日用  
平常事故正是毘盧向上也本分衲僧不以別已敬則  
須敬自心三寶何敬他佛自作邪魔外道也故云心  
外覓佛是魔眷屬又三寶具云十方用常住機者以  
三要中各具三要佛是機也而橫徧十方用也常住  
三世機也故百丈得大機更無餘事法是用也而亦  
具三要故黃蘗得大用更無餘事故此三拜正是歸



齊宗古活人劉消息故祖師以為禪宗日用常規要  
使諸人拜來拜去庶幾透得佛祖付領處此三拜即  
妙有是石擊壁一聲即真空一句也上約說話門辨

差約看話門說者每於拜時徐徐動身抖擻精神回  
光返照能如是折旋俯仰唱和禮拜者是什麼物  
如是拜來拜去照來照去盡力參究切切懇懇  
拳<sup>持</sup>絕無絲毫走作乃至禮畢正念堅凝念念不  
昧則稍稍成片漸覺省力矣便是得力處也此說者  
二門如人目是闕一不可以說話門洞曉佛法圓善  
宗古以看話門切心參究真知實踐親到古人親證



禪宗要義 卷之二十一 禪法要義 子思

處始得

看堂十統說

初三統即義理禪有無中三句也 中一統即如來禪

本分一句也後三統即祖師禪向下三要也故云一

鏃中破三關三分明後箭後路三將軍竹篋一聲向

壁而坐者向上真空放禪三統向上妙者也此是禪

家默言作法之一行三昧也古以十統打破十惡之

說似天宗旨廣如作法龜鑑須者往檢

到喝聲子曾未知喝聲形容亦無可問處心常

慨然忽得破傷語鏃於小片中有此喝聲如暗得燈

特書以傳然四喝形容想必不同無從可考可歎



無事揀病論科解

○文分為二 一舉話

天童舉僧問趙州狗子還有佛性也無州云有僧云  
為什麼撞入這箇皮袋州云他知而故犯又僧問趙  
州狗子還有佛性也無州云無僧云一切衆生皆有  
佛性為什麼狗子却無州云為他有業識在

解曰天童山名即正覺禪師上堂也舉字釋於識  
在下趙州觀音院從諗禪師娑羅王如來後身三  
入祖門中有佛性大用無佛性大機即示祖師禪  
向下三要也雖云有無意不在此限故亦具向上



則真空妙有無二圓融之無孔鐵鎚頓放諸人面  
前撞入皮俗為什麼却無皆失支對知而故犯及  
業識在迷蹤蓋覆也以其不能承當但以有無錯  
解故迷戲自家所示之蹤跡而蓋覆之却順其有  
無以答故名曰迷蹤訣此是禪師難能之妙訣

○二正揀三一正明無孔鎚

師云趙州道有趙州道無狗子佛性天下分跡面赤  
不如語直心真莫恠言鹿七百甲子老禪伯驢臺  
逢人接眼珠 ○分跡猶言分別心真意在無孔鎚  
故言鹿迷蹤訣似是戲談故驢臺真是無用至妙物



故以比無用之無孔鐵鎚也以十種錯解雖是末  
後句消息皆未脫意根撞立之識情故以無孔鎚  
一一按却也祖師既云無孔鎚則必無拈觚分學  
者切勿以末後句中十種邪解擬議計較直須抖  
擻精神盡力提撕者是箇什麼此單提無字  
二廣揀七種病二一正揀三一正揀十種病十  
一揀有無之無解三一直破有無三句解

沈叅道俗看此話始終問答隨言定旨決定作有無  
之無殊不知五祖演和尚頌云趙州露刃劍寒霜光  
焰焰擬欲問如何分身作兩段真淨和尚頌云言有



業識在誰云意不深海枯終見底人死不知心如是  
等頃不可勝數 ○道俗二家人汎然叅究也不知

字釋於勝數五祖意無字是殺人刀大機故無擬  
心問答分也真淨意趙州意直得無限故不可知  
也豈皆有無之無耶 一又破嬰兒無性解

或云這僧自謂得似孩兒見人空解弄物不知名  
又如狗子家豎豎跛跛墜墜挈但念水草餘無分別  
以此為好消息然未知作家之鑿可不如如何故借狗  
子設問呈似予以趙州謂直饒伊麼未徹在答云無  
者如經云有情無佛性無情有佛性黃蘗云始證佛



階梯無情有佛性未踏佛階梯有情無佛性又如惠  
朗禪師問石頭如何是佛性頭云汝無佛性云蠢動  
含靈又作麼生曰蠢動含靈却有佛性云某甲為什  
麼却無為汝不肯承當等之意也這僧雖非本意且  
舉狗子分上更問云一切眾生皆有佛性為什麼狗  
子却無趙州亦舉狗子答云為他也有業識在言似隨  
他意不在此 ●問意如嬰兒無念必有佛性答意  
雖無鹿念亦有業識在故未踏佛階不肯承當何  
有佛性此亦義理禪有無之無而但初破有念云  
無此破無念云無故異也 三亦破向上無染解



或云好箇狗子上不可用佛性二字染污何故西施不用添脂粉也如見山是山見水是水見拄杖但喚作拄杖見屋但喚作屋何妨見狗子但喚作狗子故州云無如此等邪解不可勝數故大慧棟云不得作有無之無 ●此雖向上會而亦是有無之無也如此下總結如上三解等之邪解無教也

二棟真無之無解

既不許伊麼定又錯解云不落有無是真無之無如金剛三昧經云若離無取有捨有從空而非真無今雖雖有而不存空如是乃得諸法真無恐如此差排



故揀云不得作真無之無下度

此破如來禪本分一句解以不落前義理禪新熏  
三句故名曰真無非對有之無

### 三揀玄妙道理解

既不許伊麼定又作玄妙道理會揀云不得作道理  
會 ●以第一不落今時三句第二全超空劫一句  
故更作宗門向上會也 四揀思量下度解

既不許伊麼定又低頭冷坐著意搜尋故揀云不得  
向意根下思量下度 ●上既不許三句一句及向上  
故自無立處但以意根下度 五揀揚眉瞬目解



前既不許有無真無會又不許作道理思量定又認  
着眼眈眈理會不得底為是便引古德云瞬目揚眉  
處明明佛祖機又有問西来意答云當觀密作用  
云如何是密作用以目開合示之等為據故揀云不  
得向揚眉瞬目處採根

此下二解破祖師禪三要解今初破大機解以揚  
眉瞬目是宗師密作用故不可以心識思量理會  
也眈眈思量貌以心動則眼動故採根地上突起  
即射棚也以其真性本無傳授分今此揚眉瞬目  
未免特地故 六揀語路若計解



審前不許理路義路又不許認取作用定向沒滋味  
底言句上起疑便引圓悟云不疑言句是為大病故  
揀云不得向語路上作活計

此破大用解

七揀無事面裡解

既不許伊麼定又計云理路義路既不揔許却向伊  
麼處用心不如無事如德山云無心於事無事於心虛  
而靈空而妙等為據故揀云不得隨在無事面裡  
此破向上本分解以上三種禪中理路義路既不  
揔許故又計云却向新集邊用心必不如本分真  
空上無心無事閑道人無心於事內心無喘也



無事於心外息諸緣也虛而靈空而妙心如牆壁  
可以入道也無事匪影無心 八揀舉起承當解

既不許語路上作活計又不許隨在無事匪裡定謂  
款舉未舉時正是好消息也如佛眼云擬思量何劫  
悟不思量終奔箇款思不思踏破時萬里無雲常現  
露為據堅執不捨故揀云不得向舉起處承當

此破今本進行解以前六解但新熏故不可第七  
解但本分故不可則必須今本進行正是好消息  
也故圓覺云雖復本來金終以銷成能六祖云性  
雖本有必借新熏前六中但躡第六以影前五故



為都攝前七也歆舉為新熏未舉為本分是為今  
本獲行擬思量句但新不可不思量句但本不可  
歆思下二句今本獲行為好也此是佛祖正意故  
堅執不捨然亦意根撞立故非無孔鋌

九揀文字引證解

又不得向文字引證引證通上諸病○十揀將迷待悟解  
既不許伊麼更無可奈何自生難想謂即今迷幾時  
悟得執迷待悟故揀云不得將迷待悟如上諸病中  
從揚眉瞬目至將迷待悟是時人難離之病

若據格外則即心是佛迷悟本空今還將迷待悟



還隨義理禪前四病是前二禪解故或有易離後  
六病元是祖師禪佛祖正脉故實為難離也

二束十為四病

廣而言之則有十種病畧而言之則不出有心無心  
語言寂默故古人云不可以有心求不可以無心得  
不可以語言造不可以寂默通

十中一四十為有心二三為無心六為語言五七  
為寂默八通於四病歛舉為有心語言未舉為無  
心寂默九亦為通古人破四病故同上揀意  
二束四為二病



畧而言之則不出思議不思議耶以道左來也不是  
右來也不是又道伊麼也不得不伊麼也不得伊麼  
不伊麼捺不得 ○有心語言為思議大用也無心  
寂默為不思議大機也又思議即向上妙 有不思  
議即向上真空亦得以此亦為病故 三 結揀  
則明明地揀破明明地現示若是靈利漢 聊聞舉  
著剔起眉毛便行終不打之遠 ○如上揀破之言  
下後巴鼻無罅縫之無孔縫義自現也此是看話  
門消息若說話門十種人立脚處一一不在此限  
故無非到家消息若是利根言下便悟則更不假



如下起疑參究事

三結示單提參

其或未然莫管有病無病莫管有滋味無滋味莫管得力不得力但提撕者是箇什麼道理

或有下根言下未悟一切是非都莫思量單單提箇無字疑云是箇什麼是箇無字也一切話頭皆有單提全提如無字話云趙州曰甚道無則名全提亦名參意單舉無字云是什麼則名單提亦名參句單提有純正並而有死心病全提有起疑蓋而有妄想病初學必須單提念想都亡方可全提若不起疑未契祖意又有勤提心無間斷



禪教大旨不出真空妙有大機大用

原夫人人自心本具隨緣不變二義隨緣者妙有也  
菩提也不變者真空也涅槃也隨緣則凡聖完然故佛祖  
恩大難酬不變則離名絕相故佛祖無風起浪是以佛祖先  
分別諸法明妙有三句後說畢竟空示真空一句如金剛  
偈初三句妙有三句後一句真空一句涅槃偈諸行生滅三  
句寂滅為樂一句菩薩跋陀往復無際等三句起言詞一句  
也經論大意無不皆然至於禪家則物物拈來無非祖  
意故六祖示說法短舉三十六對法明三句究竟二法盡  
除更無去處示一句二祖出禮三拜三句依位而坐一句臨



濟云真佛真法真道三句三即三云云一句又晨鐘三宗巡  
堂三西禮敬三拜露柱塔龕僧堂禪堂等皆三句各鐘  
一宗擊磬一聲出盧法堂等一句乃至地萬衆故三句  
天無形故一句也又真空實無掉臂分但妙有中亦有許  
多名相即機用也六祖所示三十六對法一機用相對故  
解用則道貫一切經法擴充則更有山水對龍虎對風  
月對山雲人境中馬心境聲色寒暑動靜語默入  
息出息展脚縮脚等頭頭物物無非機用相對也若  
欲備舉窮劫難盡以活眼手段把土成金故物物拈來  
無非祖意也呵呵草裡橫身歸不覺露湿衣











